

003739 11.05.2017 10:55

Resolución reitoral do 8 de maio de 2017, pola que se modifica a Resolución reitoral do 8 de xuño de 2015 pola que se establece a normativa pola que se regula o proceso para ordenar as estadías temporais de investigadores/as visitantes na Universidade de Santiago de Compostela

Preámbulo

Nun contexto no que a investigación está globalizada e no que o traballo en rede acada cada vez máis importancia, a mobilidade de investigadores/as entre universidades e centros de investigación adquire un valor estratéxico no desenvolvemento dunha producción científica de calidade.

A Universidade de Santiago de Compostela recibe con frecuencia a visita de investigadores/as que realizan estadías de moi diversa duración para o desenvolvemento de diferentes actividades no eido da investigación e a súa difusión. É misión da USC fomentar, facilitar e dar cobertura a toda mobilidade e ao intercambio de investigadores/as entre os distintos axentes de execución da I+D, sexan públicos ou privados, para reforzar os coñecementos científicos mellorando a calidade e a produtividade da ciencia.

Considerando que o réxime xurídico da mobilidade saínte se consigna na normativa laboral e nas correspondentes convocatorias, e co propósito de dar a oportuna cobertura, á vez que transcendencia e visibilidade, á mobilidade de investigadores/as entrantes, estableceuse na Resolución reitoral do 8 de xuño de 2015 un procedemento para regular esas estadías e definíronse os servizos da Universidade de Santiago de Compostela e a relación de dereitos e obrigas dos/as investigadores/as.

Non obstante, apreciouuse que a mobilidade atinxía tamén aos alumnos de grao e máster que desenvolven labores de investigación, para os cales non existía previsión regulamentaria algúnhia. Co fin, entón, de darles cobertura e de garantir a súa seguridade fronte aos riscos inherentes as tarefas que realicen, modifícase a devandita Resolución reitoral do 8 de xuño de 2015 no seu artigo 2.

ARTIGO 1.– Obxecto

A presente resolución ten por obxecto establecer un marco institucional que permita e regule a acollida de investigadores/as, investigadores/as en formación, técnicos/as ou calquera persoa que realice unha estadía asociada á actividade investigadora e formativa na USC, procedente doutras universidades, centros de investigación ou empresas.

ARTIGO 2.– Investigadores/as visitantes

Enténdese por *investigador/a visitante* a aquel/a investigador/a procedente doutra universidade, centro de investigación ou empresa que vai a realizar unha estadía na USC de calquera duración co fin de desenvolver tarefas de investigación, formación investigadora, colaboracións en másteres, conferencias e/ou participar en seminarios de investigación baixo a tutela ou en colaboración cun membro do cadre de Persoal Docente Investigador da USC.

De acordo co anterior, o/a *investigador/a visitante* incluirá aos doutores/as, académicos/as, tecnólogos/as, técnicos/as de investigación, alumnos de grao e de máster en estadía de investigación ou investigadores/as predoutorais cuxa estadía nesta universidade estea relacionada coa súa actividade investigadora e para os/as que a mesma sexa validada previamente pola Vicerreitoría con competencias en investigación. A estes efectos dita Vicerreitoría habilitará o correspondente rexistro de *investigadores/as visitantes* establecendo o proceso para o recoñecemento de tal condición.

No caso dos/as investigadores/as predoutorais rexistrados como *investigadores/as visitantes* ademais deberán formalizar a súa matrícula na Sección de Terceiro Ciclo e Formación Continua do Servizo de Xestión Académica baixo a modalidade de matrícula de “estadía”

Así mesmo, o alumnado de grado/máster rexistrados como *investigadores/as visitantes* deberán formalizar ademais a súa matrícula baixo a modalidade que corresponda e abonar o seguro obligatorio.

Os/as *investigadores/as visitantes* non adquirirán a condición de membros da USC nin por tanto poderán participar nos órganos de goberno da USC, nin ser electores ou elixibles. Así mesmo, non percibirán ningunha retribución a cargo dos orzamentos da USC, sen prexuízo das axudas que o departamento, centro, grupo ou unidade receptora poida establecer con cargo ao seu orzamento.

ARTIGO 3.– Dereitos dos *investigadores visitantes*

Todos os/as *investigadores/as visitantes* da USC debidamente autorizados e rexistrados estarán cubertos polos correspondentes seguros de responsabilidade civil e de accidentes establecidos a estos efectos pola USC .


Ademais, os/as *investigadores/as visitantes* poderán :

- Utilizar ou acceder aos servizos xerais de investigación, biblioteca, comunicacións, servizos informáticos e servizos de apoio á investigación nas mesmas condicións que o persoal da USC de categoría equivalente ou asimilable, conforme ao procedemento de solicitude que se determine. Así mesmo, a USC, na medida en que sexa necesario, facilitará o acceso ás instalacións ás que de xeito xustificado teña que facer uso en función do plan de traballo establecido.
- Utilizar as instalacións complementarias dispoñibles na USC durante o período e duración formal da estadía.
- Ser recoñecidos na autoría ou coautoría dos traballos de carácter científico nos que participe.
- Solicitar á USC unha certificación ou acreditación da súa estadía.

ARTIGO 4.– Obrigas dos *investigadores visitantes*

Os/as *investigadores/as visitantes* deberán:

- Incorporarse ao centro solicitante da USC na data prevista notificándoo á USC e comunicar os cambios de datas relacionadas coa duración da súa estadía.
- Realizar as tarefas que teñan previstas no seu plan de traballo.
- Desenvolver a súa actividade investigadora con honestidade científica, evitando o plaxio e outras prácticas fraudulentas, observar as prácticas éticas recoñecidas e os principios éticos correspondentes ás súas disciplinas nos diversos códigos deontológicos aplicables, comprometéndose a respectar a confidencialidade respecto ás investigacións e outras informacións que coñeza con motivo da súa estadía na USC, e sempre de acordo coas normas establecidas pola USC.
- Coñecer e respectar as normas de funcionamento da USC, da unidade, laboratorio, centro ou instituto de investigación e, especialmente, aquellas necesarias en materia de prevención de riscos laborais.
- Mencionar á USC nas publicacións, achegas a congresos e calquera outra actividade profesional que resulte do traballo realizado durante a súa estadía na USC.



ARTIGO 5.– Obrigas dos responsables da visita

Os centros, departamentos, institutos e centros de investigación, estacións, grupos de investigación ou investigadores/as individuais da USC que inviten a un/unha *investigador/a visitante* terán as seguintes obrigas:

- Comunicarollo á Vicerreitoría con competencias en investigación, empregando os procedementos e formularios, preferentemente electrónicos, que para o efecto se establezan. A comunicación deberá ser previa á visita. A Vicerreitoría validará a estadía e procederá ao seu rexistro documental.
- A comunicación deberá conter a seguinte información:
 - Unidade de investigación propoñente (Grupo de Investigación ou no seu defecto o Departamento ou Centro de Investigación)
 - Filiación e categoría do/a *investigador/a visitante*
 - Obxectivo da estadía (I+D; formación; divulgación...)
 - Marco institucional da estadía (Convenio; proxecto de I+D; sabático; invitación...)
 - Datas previstas de incorporación e remate
 - Centro de traballo
- Comunicar e, de ser o caso, solicitar autorización á Vicerreitoría con competencias en investigación para calquera cambio das condicións da súa incorporación.
- Con carácter xeral, e ao marxe do que poidan establecer acordos institucionais específicos, a unidade ou investigador/a da USC que propoña a estadía dun/dunha *investigador/a visitante* asume o compromiso de poñer á súa disposición os recursos e espazos para que se poidan levar a cabo as tarefas previstas no plan de traballo a realizar durante a súa visita ou estadía, e de seguir en todo momento prácticas de traballo seguras de acordo coa normativa aplicable, incluíndo adopción das medidas necesarias en materia de prevención de riscos laborais, e velar por que os/as *investigadores/as visitantes* cumpran con estas prácticas.
- Nas visitas ou estadías nas que se desenvolvan actividades específicas de investigación conxunta ou participación directa ou indirecta nas liñas de investigación da USC, así como sempre que exista a posibilidade de que a actividade de colaboración poida producir resultados, o/a *investigador/a visitante* deberá asinar no momento da súa incorporación á USC o documento de aceptación das condicións da súa estadía, que incluirá unha cláusula de confidencialidade e de titularidade dos resultados da investigación.

ARTIGO 6.– Incumprimento da obriga de comunicación

A USC non poderá certificar a estadía dun/dunha *investigador/a visitante* que non fora rexistrado/a previamente. Así mesmo, non se lle permitirá fazer uso das instalacións ou servizos da universidade.

O/a investigador/a da USC que non comunique unha estadía será o responsable final de todos os danos e de todas as reclamacións que poidan xerarse durante a visita. No caso de incumprimento reiterado de comunicación sobre a presenza de *investigadores/as visitantes*, e sen prexuízo da responsabilidade a que houbera lugar, a USC poderá determinar para este/a investigador/a a prohibición de realizar novas invitacións a persoal alleo á USC.





ARTIGO 7.– Incompatibilidades

A figura de *investigador/a visitante* é incompatible con calquera tipo de vinculación coa USC, ben sexa funcional, laboral ou estatutaria.

ARTIGO 8.– Rexistro de *Investigadores/as visitantes*

A Vicerreitoría con competencias en investigación deberá manter actualizado o rexistro dos/das *investigadores/as visitantes* que se incorporen á USC, para o que se creará o correspondente ficheiro de protección de datos.

ARTIGO 9.– Procedementos e formularios

Facúltase á Vicerreitoría con competencias en investigación para que deseñe os procedementos e documentos necesarios para a aplicación deste regulamento, así como para a interpretación das dúbidas que este proceso puidera ocasionar.

DISPOSICIÓN TRANSITORIA

Esta Resolución é igualmente de aplicación para aqueles/as investigadores/as que se atopen na USC en réxime de visita ou estadía no momento de entrada en vigor desta Resolución, e deberán inscribirse no rexistro de *investigadores/as visitantes* a partires da súa operatividade.

DISPOSICIÓN FINAL

A presente Resolución entrará en vigor na data de publicación no taboleiro electrónico da USC.

Santiago de Compostela, 8 de maio de 2017

O reitor

Juan M. Vilaño Rey

